

Manmin nga mga Balita

NUMERO 20 HULYO 1, 2012

Si Hesu Kristo Gipasidunggan Sa 2012 Crystal Music Festival

Ang Kayo sa Pagpakabuhi Nisilaob didto sa Israel Pinaagi sa Lihok sa Espiritu



■ Unang litrato: Mga Israeli nga pastor nakadawat sa bag-o nga kusog human sa 2009 Israel United Crusade ni Dr. Jaerock Lee, og wala kahadlok nga ni butyag ni Hesu Kristo. ■ Ika-2 litrato: Ang 2012 Crystal Music Festival nga gihimo niadtong Mayo 19 ■ Ika-3 litrato: Ang pasundayag nga gihimo sa Passion Chorus sa Manmin Central Church ■ Ika-4 litrato: Ang organizing-members og mga tigpasundayag sa 2012 Music Festival ■ Ika-5 litrato: Pastor Daniel Rozen, representante sa Crystal Forum, nag-ampo para sa masakiton gamit ang panyo sa gahum, sa nagkalin-laing lugar. ■ Ika-6 litrato: Ang 3rd anniversary sa Crystal Forum, niadtong Disyembre 2011 ■ Ika-7 litrato: Ang 2nd Commemorative Conference ni Dr. Jaerock Lee's sa Israel United Crusade, gihimo adtong Oktobre 2011 (Mamumulong: Dr. Morris Cerullo, World Revivalist)

Mayo 19, 2012 ang Crystal Music Festival malampusong gihimo didto sa Latrun Mini Israel. Kini gipahiluna sa Crystal Forum (Ang Israeli Pastor's Association) og gitambungan sa duolan sa 2,000 ka mga tawo. Ang High-profile nga mga magdadayeg pinaagi sa kanta gikan sa Russia, USA, Ukraine, Bulgaria og Finland niapil sa maong kalihukan nga gisibya-live sa 150 ka mga nasod via TBN-Russia.

Ang Passion Chorus og si Daecon Ronya Son sa Manmin Central Church's Performing Arts Committee giimbata og naghatag og kahimayaan sa Diyos pinaagi sa pagdayeg og pag-sayaw. Nipasundayag sila gamit ang nindot nga mga bisti nga maoy nakapahunahuna sa mga nanambong, sa kaanindot sa langit, og nanganta sila sa Hebrew, Russian og Lingala nga sinultian nga puno sa Espiritu Santo. Ang mga nanan-aw niingon nga mura silag nanan-aw sa langitnong pasundayag. Samtang ang uban na sorpresa sa in-

saktong paglitok sa nagkalin-laing sinultian.

Ang maong kalihukan mahinungdanon kaayo sa mga Israeli local Churches, kay sila gawasnong nakadayeg ni Hesu Kristo. Ang mga Missianic-Jews sinalikway sa Israel tungod sa ilang pagdawat ni Hesu Kristo, apan sila nakabaton og kusog pinaagi sa lihok sa Espiritu Santo og nakadayeg sa Ginoo sa dako nga wanang didto sa Latrun.

Si Senyor Pastor Dr. Jaerock Lee nagwali sa ebanghelyo sa tanang lugar sa Israel sa iyang 12-ka higayon nga pagbisita sa Israel sulod sa tulo ka tuig (2007-2009). Pinaagi sa lihok sa Espiritu, ang local nga mga pastor nakakat-on sa gugma sa Diyos og sa mga kapangandaman para sa Israel, nagkahiusa ang ilang espiritu og nagtukod og asosasyon sa mga pastor nga ilang gitawag og "Crystal Forum".

Ang Crystal Forum maoy nagpahigayon sa Krusada ni Dr. Jaerock Lee ang, "2009 Israel United Crusade" nga

gihimo didto sa ICC (International Convention Center) sa Jerusalem. Sa maong krusada, si Dr. Jaerock Lee ni proklamar sa mensahe nga "Why is Jesus Our Only Savior?" sa way kahadlok. Kato live nga gisibya sa duolan sa 200 ka mga nasod nga nakapahingangha sa tibuok kalibutan.

Ang mga pastor sa Crystal Forum maghimo og mga krusada sa mga nasod sama sa U.S., Russia, Ukraine, Bulgaria, Estonia og Finland og usab sa Israel gamit ang panyo nga inampoan ni Dr. Jaerock Lee (Buhat 19:11-12). Bisan asa sila maghimo og mga miting, ang madilaabong lihok sa Espiritu mo bukhad og ang sa gradong kaayuhan nangahitabo. Daghang kinabuhi ang nausab ngadto sa kaayuhan.

Dugang pa, ang pagpakatag sa pagkabalaan sa ebanghelyo, nitulin tungod sa paspas nga distribyosyon sa mga libro ni Dr. Lee sama sa *Awaken, Israel!*, *The Message of the Cross*, *The Measure of Faith*, *Tasting Eternal Life before*

Death, and Heaven I&II. Ang kurso sa MIS (Manmin International Seminary), nga ang pagpanudlo gibasi sa pagkabalaan sa Ebanghelyo, naabli na sa Tel Aviv, Ashdod og Jerusalem para ang mga magtotoo makapangandam sa ilang kaugalingon sa Pulong og motubo ang ilang espirituhanong pagtoo. Ang MIS nga kurso nagsugod na usab sa Ukraine, Cyprus og Kazakhstan.

Bag-ohay lang, sa Israel ang sermon og mga pag-ampo ni Dr. Lee gisibya kada adlaw sa TBN-Russia, CNL TV, Holy God TV, og Rodnoy, og daghan na ang katawhan nga naka eksperyensya sa kaayuhan og kausaban. Si Mira Rabhari nanghimatuud nga nibalik ang iyang maayong panglawas tungod sa pag-ampo ni Dr. Lee pinaagi sa TBN Russia og ang iyang ika duhang anak nga na adik sa inom og droga nausab.

Naa mi dakong panglantaw nga ang pagkabalaan sa ebanghelyo dali nga mo katag og ang madilaabong lihok sa Espiritu Santo magpadayon.

Han'ay sa "The Message of the Cross" - (18)



Senyor Pastor Dr. Jaerock Lee

Ang Katapusang Pito ka Pulong ni Hesus didto sa Krus (3)

"Og sa pagka alas tres sa hapon mituaw si Hesus, 'Eli, Eli, Lama Sabachthani?' nga sa ato pa, 'Diyos ko, Diyos ko nganong gibiyaaan mo ako?'" (Mateo 27:46)

"Human ini, si Hesus nga nasayod nga ang tanan natuman na og aron pagtuman sa kasulatan, niingon, 'Gihaw Ako!'..... Human makatilaw si Hesus sa suka, niingon siya, "Natapos na!" Unya miduko og namatay." (Juan 19:28-30)

Kon hapit na ang kamatayon kasagaran sa tawo magbilin og kasulatan o mga testamento ngadto sa ilang pamilya o higala. Si Hesus, nga nianhi sa kalibutan isip Manluluwas sa katawhan, nagbilin og gamay nga mga pulong sa wala pa siya mo ginhawa sa iyang katapusang ginhawa didto sa krus, kini mao ang gitawag og "The Last Seven Words on the Cross".

Kon ato nang matukib ang dughan sa atong Ginoo, nga kinsa anak sa Diyos, nibuhay sa kapangandaman sa atong kaluwasan, mahimo kitang tinuod nga anak sa Diyos. Para sa pagpadayon sa katapusang edisyon sa Manmin nga Balita, atong kuhaon karon ang ika-4, 5, og 6 nga mga pulong ni Hesus nga iyang gipamulong didto sa krus.

Ang ika-4 nga Pulong: "Diyos ko, Diyos ko, nganong gibiyaaan mo ako?"

Ang mga pulong ni Hesus "ELI, ELI, LAMA SABACHTHANI?" sa Mateo 27:46 nagpasabot "DIYOS KO, DIYOS KO NGANONG GIBIYAAN MO AKO?" Bisan pa, si Hesus wala mo sulti aning mga pulonga ngadto sa Diyos isip mapait nga reklamo sa iyang mga pag-antos.

Sa wala pa siya moanhi sa kalibutan, nahibaloan nang daan ni Hesus ang mga pag-antos sa krus. Og sa iyang pagboluntaryo sa dalan sa krus para sa pagtuman sa mga kapangandaman sa Diyos, si Hesus walay rason nga mo reklamo sa Diyos. Ining mga pulonga naay nahitisok nga dakong importansya sa espirituhanong kahulugan.

Una, "Jesus Cried out with a loud voice" kini naay rason. Sa tibuok nangaging gabii, si Hesus bisan asa gidala, gibistigar og gilatigo sa walay kaluoy. Gilansang siya sa krus sa taas nga higayon og bisan wala na siyay igong kusog sa pagtuaw, apan iya kining gibuhay para sa pagpahinumdum sa tanang katawhan og aron sila makasabot nganong gitugot sa Diyos nga si Hesus mag-antos og ilansang sa krus.

Sa dihang ang Iyang lawas gilansang, nagbitay didto sa tunglo nga krus, siya sinalikway sa Diyos. Kini tungod aron iyang maluwas ang katawhan sa mga kasal-anan og makasulod sa langit. Kay ang tanang katawhan nahibaloan nang daan nga isalikway sa Diyos subay sa tunglo sa

balaod, apan si Hesus gitunglo og gisalikway sa Diyos puli kanato. Para sa pagpahinumdum sa tanang katawhan mahitungod ani, si Hesus mituaw.

Atong nakat-onan sa Bibliya nga kon si Hesus motawag sa Diyos siya perming moingon "Amahan". Apan sa Mateo 27:46, ang rason nganong niingon "DIYOS KO" tungod kay siya isip makasasala nga gilansang sa krus, dili siya makahimo sa pagtawag og "Amahan" sa balaan nga Diyos. Sama ra nga kon ikaw moingon nga "nitoo sa Ginoo" apan nagpakabuhi pa gihapon sa tentasyon sa yawa, imbis magpakabuhi sa kabubut-on sa Diyos, dili ka kampanting motawag sa Diyos nga "Amahan".

Sunod, si Hesus mituaw. Tungod kay daghan pang katawhan ang nalingaw sa kalibutan og naglakaw pa gihapon sa dalan sa kamatayon bisan gihatag na sa Diyos ang iyang Bugtong Anak para sa mga makasasala. Si Hesus gusto nga ang tanang kalag makahibalo nganong gilansang siya, modawat niya isip ilang Manluluwas, og makabaton sa kinabuhi, si Hesus mituaw "DIYOS KO, DIYOS KO NGANONG GIBIYAAN MO AKO?"

Kon kita kinasingsing nga motoo nga si Hesus gisalikway sa Diyos tungod sa atong mga sala, ang matag usa nato dili na unta magpakabuhing makasasala, og mahimong iyang anak nga makatawag sa Diyos "Amahan". Og makahimo usab unta kita sa pagtabang adtong mga kalag nga nagsubay pa gihapon sa dalan sa kamatayon, pinaagi sa pag sulti sa mensahe sa krus, aron sila makabalik sa dalan sa kaluwasan.

Ang ika-5 Pulong "Gihaw Ako."

Juan 19:28 mabasa "aron pagtuman sa kasulatan," si Hesus niingon, 'Gihaw Ako'. Kon magdugo pag-ayo, ang tawo mag-antos sa tumang kauhaw. Karon, imo bang mahunahuna nga unsa kaha ka uhaw ang atong Hesus sa dihang siya gilansang og nagbitay sa krus sa uga nga hangin sa Israel ubos sa naglagiting nga kainit sa adlaw sa daghang mga oras?

Apan si Hesus wala lang mag-antos sa pisikal nga kauhaw, naay espirituhanong pasabot nga nahitisok sa Iyang mga pulong "Gihaw Ako." Ang iyang mga pulong espirituhanon, nag-awhag nato sa pagtagbaw

sa iyang kauhaw pinaagi sa pagbawi nato sa Iyang dugo.

Unsaon man nato "pagbawi sa dugo ni Hesus"? Gipatulo ni Hesus ang iyang dugo para sa pagluwas sa tanang makasasala, ang "pagbawi sa dugo ni Hesus" nagpasabot sa matinguhaong pagpangita og pagwali sa ebanghelyo ngadto sa mga tawo nga padulong sa impeyerno, og sa mga tawo nga dili pa magtotoo. Maipakatag sad nato ang ebanghelyo pinaagi sa pag-ampo sa Diyos og mga halad para sa misyon.

Sa pag-ingon ni Hesus, "Gihaw Ako", naay mga tawo sa duol "nitunlod sa espongha ngadto sa suka, gibutang sa sanga sa isopo og gitunol ngadto sa baba ni Hesus." Gidawat ni Hesus ang suka dili lang sa pagtagbaw sa iyang kauhaw, apan usab tungod sa kamandoan sa propesiya sa Daang Testamento (Salmo 69:21), gihatagan nila og suka.

Si Hesus "nidawat sa suka" nagpamatuud sa iyang pag-inom sa suka, aron kita makahimo sa pag-inom sa bag-o nga bino. Ang "suka" simbolo sa balaod sa Daang Testamento, samtang ang "bag-ong bino" simbolo sa balaod sa gugma nga gituman mismo ni Hesus.

Pinasubay sa balaod sa Daang Testamento, ang tanang mga makasasala silotan sa ilang sala og ang katubanan sa ilang sala matuman pinaagi sa dugo sa mga hayop nga ilang isakrepisyo ngadto sa Diyos. Si Hesus mismo maoy nahimong atoning-sacrifice og niluwas nato sa tunglo sa balaod pinaagi sa iyang pagpakamatay sa krus, bisan pa, si Hesus "nidawat sa suka" para nato.

Mao nga, mapasaylo ta sa atong mga sala kon kita motoo ni Hesu Kristo og tinud anay'ng maghinulsol sa atong mga sala. Mao kini isip pag-inom sa "bag-ong bino" og para sa paghatag nato og katin-awan aning puntoha, si Hesus niingon, "Gihaw Ako" og giinom ang suka.

Ang Ika-6 nga Pulong: "Natapos Na!"

Juan 19:30 mabasa, "Human makatilaw si Hesus sa suka, miingon siya, 'Natapos na!' unya miduko siya og namatay." Sa "Natapos na!" kini gipasabot ni Hesus kon giunsa niya pagtuman ang kapangandaman sa pagluwas sa katawhan og pagtuman sa balaod pinaagi sa gugma.

Ang "suhol sa sala kamatayon", subay sa balaod, ang tanang makasasala makadawat sa silot sa kamatayon og ma empyerno. Sa unang panahon ang mga anak sa Diyos magpatay og baka o kamero og i-sakripisyo ang dugo sa maong hayop para sa kapasayluan sa sala, apan si Hesus nilukat natong mga makasasala sa tunglo sa balaod pinaagi sa pagpalansang sa krus.

Ang paglukat ni Hesus natong mga makasasala dili mahunahuna og dili maasoy ang kadako sa Iyang gugma. Ang bililhong Anak sa Diyos nianhi sa kalibutan, nisabwag sa langitong balita og niayo sa tanang mga sakit sa mga alaot nga katawhan. Siya nilungtad sa mga pag-antos sa paglatigo nga gihimo sa mga makasasala, gipurong-purongan sa mahait nga tunok og gilansang ang Iyang mga kamot og tiil.

Karon nga ato nang nadawat ang katungod nga makasulod sa langit pinaagi sa pagtoo ni Hesu Kristo nga kinsa naay maanyag nga gugma og sakripisyo para nato, nibuak sa awtoridad sa kamatayon nga hinimo sa demonyo, unsa man ang atong angayan nga buhaton? Sa pagtuman ni Hesus sa tanang gipangandam sa Diyos alang sa atong kaayuhan og siya nahimong Hari sa mga hari, Ginoo sa tanang ginoo, kinahanglan nga kita usab makatuman sa kabubut-on sa Diyos.

Ang gusto sa Diyos nga kita balaan og matinud-anon, makaangkon sa 9 ka bunga sa Espiritu Santo, makatuman sa espirituhanong gugma. Sa iyang giingon nato nga "Ikaw magsaksi nako... bisan ngadto sa kinasuokang parti sa kalibutan," atong himuon ang tanang tinguha para sa kaluwasan sa mga kalag. Og dinha atong maandam ang atong kaugalingon isip iyang pangasaw-onon nga hingpit nga nituman sa mga katungdanan nga gihatag sa Diyos, og sa adlaw sa Iyang pagbalik, makasulti Niya nga, "Natapos na!"

Mga igsoon ko diha ni Kristo, pinaagi sa pag kumkum sa espirituhanong kahulugan nga gisulti ni Hesus, ang "Last Seven Words on the Cross" og ang pagsilsil ini sa inyong dughan, maayo unta nga matag usa ninyo magpakabuhing angayan sa mga mata sa Diyos og magpuyo sa hangtud uban ang Ginoo sa pinaka nindot nga puloy-anan sa langit sa ngalan sa Atong Ginoong Hesu Kristo Ako nga-ampo!

Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Potato St, J-Figuera Sampaloc, Manila, Philippines Pastor Peter Bae Pastor Lucy Lee 2-735-1423	067 Daang Bago, Dinalupihan, Bataan, Philippines Pastor Peter Bae Pastor Lucy Lee 0910-262-5465	Purok 3, Brgy, San Roque, San Mateo, Isabela, Philippines Pastor Peter Bae Pastor Lucy Lee 0905-649-1120	5 Lot 33 Bk 1, Canutuhan (tenant), Santiago Gen.Trias, Cavite, Philippines Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Philippines Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Philippines Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Philippines Pastor Kathryn Kim 0908-635-2714

Ang Pagsugid sa mga Doktor nga kinsa naka-eksperyensya sa Gahum sa Diyos

Mayo 25-26, ang 9th International Christian Medical Conference gihimo sa Kenya, nga gipangunahan sa WCDN (World Christian Doctor's Network) sa tema nga "Spirituality and Medicine." Duolan sa 400 ka mga doktor gikan sa 37 ka nasod ang nanambong. Naay mga kaso sa sagradong kaayuhan nga gi-presentar og mga espesyal nga mga pagpanudlo sama sa "Faith and Medical Treatment." Naay duha ka presentasyon nga isugid sa ubos.



Nagpresentar sa kaso Dr. Chang Kyu Yang Doktor sa Radiology

"Kanser sa Totoy Naayo nga Walay Medical nga Tambal, Makapahibulong"

Nihatag ko og presentasyon sa "lumbar disc", "tendinitis" og "calcifying inflammation" og "thoracic abscess" sa 1st, 2nd, and 6th International Christian Medical Conference. Ang mga pasyente dili mosalig sa medisina apan nakadawat sa kaayuhan pinaagi lang sa pagtoo sa Diyos og sa gahum sa pag-ampo. Sa kaso nga akong i-presentar karon, ang pasyente naayo sa kanser nga walay medical nga tambal.

Deaconesa Inok Han naay "palpable mass" sa iyang tuo nga totoy niadtong tingtugnaw sa 2006. Pagka Abril 2007 gi-biopsy og nakita nga siya naay kanser sa totoy sa gidak-on nga 2.17 cm 'invasive ductal carcinoma'. Niingon ang doktor nga operahan, apan gusto niyang maayo pinaagi lang sa pagtoo. Wala siya modawat og tambal og wala sad magpa-opera. Nag-antos siya sa grabeng kasakit sa iyang tuo nga totoy og tuo nga kamot. Sa pagpaminaw sa Pulong sa Diyos kada simana iyang nahunahuna nga grabe kaayo ang iyang mga sala og naghinulsol sa pagka arogante, kasilag, kasuko, pagdumot, og ang pagsimbag mga idolo. Nangingkamot nga maka-angkon sa dughan nga maayo nga maoy gusto sa Diyos. Tuig 2009 nag-ampo siya sa dakong pagtoo human iyang nadungog si Dr. Lee diha sa damgo nga ang kahayag sa gahum niduol niya.


Hunyo 10, 2011 sa espesyal 'divine healing meeting' iyang nadawat ang pag-ampo ni Dr. Jaerock Lee. Ang 'palpable mass' sa iyang tuo nga totoy nagka gamay. Wala nasad magsakit ang iyang tuo nga kamot. Hunyo 29, 2011 gitan-aw siya og usab sa doktor. Ang kanser wala na, apan ang small-sized 'homogenous node' na-detect sa pag hiling.

Para mapamatud-an, ako siyang giingnan nga magkuha og klarong diagnosis. Nagpa biopsy siya og ang resulta nagpakita nga wala nay 'tumor cells' og naa siyay 'fibrosis' nga naa usab sa mga ordinaryong himsog nga mga babaye. Akong nakita nga ang iyang breast kanser kompletong naayo.


Dr. Zipporah Ngumi, Chairperson sa Organizing Committee niingon human sa pagpresentar sa kaso, "Nindot kaayo nga makita ang insaktong radiological- material og biopsy, sa una og ang pagkahuman sa kaayohan nga gi presentar sa radiologist." Ang presentasyon gi-review sa mga doktor tungod kay wala pa silay nakita nga naayo sa breast kanser nga wala tambali og medical og wala gani sila maka basa og kahubitan mahitungod ana.



Deaconess Inok Han, naayo sa kanser sa totoy



Ang 2cm-lump nawala



Ultrasonography_ 2.17cm-sized nga homogenous node nawala



Nagpresentar sa kaso Dr. Joon Sung Kim University sa Ulsan College of Medicine, Korea

"Malipayon kaayo kong Mohatag og Presentasyon sa 'Improved Visual Acuity' nga naay Sagradong Kaayuhan"

Ang 'visual impairment' naglakip sa pagkabuta og grabing pagkawala sa 'visual acuity' sama sa 0.3 degree sa naked-eye. Tungod ini, daghang tawo nag-antos sa kalisod og kasakit ekonomikal og mental. Ang report sa WHO (World Health Organization) nga gipagawas sa 2012, nag-ingon nga 281 ka milyon nga mga tawo ang nag-antos sa visual impairment, hinungdan sa near-sightedness, far-sightedness, astigmatism.

Sa 'statistical analysis', 38 ka mga medical-records ang napili og gi-review ang ilang visual-acuity sa wala pa og human sa pag-ampo. Og nakita nga ang pagbalik sa panan-aw makab-ot lang pinaagi sa gahum sa Diyos.

Si Deacon Jongwook Ham (32, lalake) naay near-sightedness og nag sul-ob sa antepara sulod sa 16 katuig. Sa wala pa ang "special divine healing meeting" iyang gihinulsolan pag-ayo ang iyang sala. Nakadawat sa pag-ampo ni Dr. Jearock Lee niadtong Hunyo 10, 2011. Nagpahiling og balik sa hospital. Nibalik ang iyang maayong panan-aw gikan sa 0.3 ngadto sa 05 sa iyang tuo nga mata og 0.9 ngadto sa 1.0 sa wala nga mata.

Deaconesa Bokhee Kim (46, babaye) nag-antos sa near-sightedness, nag sul-ob og antepara sulod sa 15 katuig. Maglisod siyag tan-aw sa butang kung naa sa layo. Apan nakadawat sa pag-ampo ni Dr. Lee niadtong Hunyo 17, 2011. Iyang nabati ang talagsaong kainit diha sa iyang mga mata samtang giampoan unya makakita na siya og klaro. Nagpatan-aw siyag usab sa iyang panan-aw, og naay kaayuhan, gikan sa panan-aw nga 0.4/0.2 ngadto sa 0.8/0.8.

Bisan pa sa pag-uswag sa medical nga teknolohiya, ang visual impairment lisod nga ayuhon bisan sa operasyon. Mao nga kahibulongan kaayong makita ang sagradong kaayuhan nga ang mga tawo makakita pagbalik pinaagi sa gahum sa Diyos. Malipayon kaayo kong nangulekta sa mga kaso og mohatag sa mga presentasyon isip doktor. Akong ihatag ang tanang pasalamat og dungog ngadto sa Diyos.



Deacon Jongwook Ham (Taas) Deaconess Bokhee Kim (Ubos)



The Confession of Faith

1. Manmin Central Church believes that the Bible is God-breathed Word that is perfect and flawless.
2. Manmin Central Church believes in the unity and the work of God the Trinity: God the Holy Father, God the Holy Son, and God the Holy Spirit.
3. Manmin Central Church believes that we are forgiven of our sins only by the redeeming blood of Jesus Christ.
4. Manmin Central Church believes in the resurrection and ascension of

5. Jesus Christ, His Second Advent, the Millennium, and the eternal heaven. Members of Manmin Central Church confess their faith through "The Apostles' Creed" each time they come together and believe in its content verbatim.
- "[God] Himself gives to all people life and breath and all things."(Acts 17:25)
 "And there is salvation in no one else; for there is no other name under heaven that has been given among men by which we must be saved."(Acts 4:12)

Ang mga Doktor Gikan sa 37 ka mga Nasod Naghisgot mahitungod sa ‘Spirituality and Medicine’

Gihimo Didto sa Kenya ang ‘The 9th WCDN International Medical Conference’



Ang WCDN's 9th International Christian Medical Conference gihimo sa Kenya, Africa og gitambongan sa 400 ka mga doktor og midikal propisyonal gikan sa 37 ka nasod. Ang 8 ka presentasyon nga nagpakita sa lihok sa buhi nga Diyos og ang nagkalain-alang espesyal sa pagpanudlo maoy nagbuak sa ilang panabot bahin sa medical nga kaalam og nagtanum og pagtoo diha kanila.

Mayo 25 og 26, 2012, ang ‘The 9th International Christian Medical Conference’ gihimo didto sa Safari Park Hotel, Nairobi Kenya, nga gipangunahan sa WCDN (World Christian Doctors Network).

Ang komperensya gihimo ubos sa tima nga ‘Spirituality and Medicine’ 400 ka mga doktor gikan sa 37 ka nasod ang nanambong. Mayo 25, si Rev. Dr. Jaerock Lee, nagtukod og board-chairman sa WCDN, nihatag og mensahe on-screen, og ni hangyo sa mga nanambong sa pag-ingon, ‘Pinaagi sa kaayuhan nga gihimo sa Diyos, manghinaut ko nga inyong ihatud ang gugma sa Diyos ngadto sa daghan nga mga kalag.’

WCDN President, Dr. Gilbert Chae nihatag sa opening-address og nipasabot sa katuyoan sa WCDN uban sa panglantaw sa mga kristohanong mga doktor. Human sa iyang maabi-abihong pagsulti si Dr. Zipporah Ngumi, chairperson sa organizing Committee niingon, ‘Ang lokal nga katawhan maglisod pagpalit og medisina bisan naa pay resita gikan sa doktor. Apan kon ang kristohanong doktor mag-ampo nga naay pagtoo, ang pasyente makabaton og pagtoo og kasagaran sila nanaayo.’

Dr. Esther Kooyoung Chung, vice chairperson sa United Holiness Church of Jesus Christ nihatag og keynote address. Iyang gipukaw ang pagka espirituhanon sa mga doktor nga nanambong sa pag-ingon, ‘Ang gugma nga para sa Diyos mao ang pagsunod sa iyang mga sugo. Kon ikaw magsunod sa balaan nga kinabuhi, makadawat ka sa mga panalangin dinhi sa yuta og usab sa langit.’

Sa komperensya, 8 ka sagradong kaso sa kaayuhan ang gi-presentar, 4 ang nahimo pinaagi sa mga pag-ampo ni Dr.

Jaerock Lee o pinaagi sa panyo nga iyang inampoan.

Dr. Joon-sung Kim sa Department of Pediatrics, sa Ulsan University Hospital ni presenter og pipila ka mga kaso mahitungod sa daotan nga panan-aw og nakaangkon sa sagradong kaayuhan pinaagi sa pag-ampo, og si Dr. Chang-kyu Yang, direktor sa Bansuk Internal Medicine-Radiology ni presenta sa kaso sa kaayuhan sa ‘invasive ductal carcinoma’ sa totoy pinaagi sa pag-ampo.

Kenyan doktor, Edith Opala ni presenter sa kaayuhan sa usa ka former-police nga opisyal, Kenyi Michael, nga nag-antos sa iyang pagka paralisado apan naayo, nibarog sa iyang wheelchair, nilakaw human sa pag-ampo ni Bishop Dr. Myongho Cheong, chairman sa United Holiness Church of Jesus Christ, Africa. Dr. Brian S. Yeo ni presenta sa kaso sa usa ka igsoon nga si Rossarin, nga nag-antos sa ‘Lupus erythematosus’ og sa grabing side-effect sa ‘ciprofloxacin’, apan naayo samtang giampoan ni Dr. Jaerock Lee pinaagi sa GCN TV.

Atol ining mga presentasyon sa sagradong kaayuhan nga walay midikal nga tambal, ang mga doktor nga nanambong, nakalimot sa ilang kaalam sa medikal og nahibulong sa pagka gamhanan sa Diyos.

Indian nga doktor, Brinda Venktraman, ni presenter sa kaso sa usa ka babaye nga nag-antos sa ‘lumbar disc herniation’ sulod sa 18 katuig og nakadawat sa kaayuhan pinaagi sa pag-ampo nga wala operahe. Si Dr. Zipporah Ngumi nihatag og presentasyon sa usa ka African-woman nga dili makalihok tungod sa pag atake sa buffalo ngadto niya, ang sunggay ni tusok sa iyang paa, apan naayo tungod sa ampo sa mga pastor. Si Dr.

Elio. A. Coradin sa Dominican Republic ni presenter sa kaayuhan sa ‘uterine stromal sarcoma’. Dr. Armando Pineda-Velez sa U.S. ni presenter sa kaayuhan sa ‘pseudomembranous colitis’.

Ang presentasyon sa mga kaso gisundan sa mga pangutana og tubag. Ang uban nga hingtungdan nitambong. Dugang pa, naay mga espesyal nga pagpanudlo sa medisina og espirituwal.

Sa closing address si Bishop Dr. Myongho Cheong sa Nairobi Manmin Holiness Church niingon, ‘Ang pinaka importante sa mga doktor mao ang Pulong sa Diyos. Tungod kay kung naa silay kahibalo sa Pulong sa Diyos ilang masulti ang ebanghelyo ngadto sa ilang pasyente og ilang ma ampoan uban ang pagtoo.’

Si Pastor Vasily Votovich naay TV company sa U.S. niingon, ‘Among gisibya ang komperensya sa WCDN kada tuig, og gidumdum kinig tan-aw sa mga tawo. Nagtoo mi nga daghang mga tawo makadawat sa kaluwasan kung ang mga doktor mosulti sa ebanghelyo og mo ampo sa ilang pasyente samtang sila nag-examine sa ilang pasyente.’

Ang WCDN nga nagpahigayon sa komperensya, maoy grupo sa mga Kristohanong doktor, og tua kini manukad sa South Korea. Sila nagtabang sa mga Kristohanong doktor sa tibuok kalibutan para motubo ang panag-uban og panaghigalaay sa matag usa, og nakahimo kinig dakong kalamboan kada tuig, nagpahigayon sa International Christian Medical Conference matag tuig, mag presentar og mga kaso sa sagradong kaayuhan, maghatag og key-note address sa mga doktor. Sunod tuig ang komperensya ilang gi plano nga himuon sa Mexico.



- 1) Dr. Jaerock Lee, founder og chairman sa WCDN's video-message
- 2) Mga nanambong nagdayeg uban ang kalipay
- 3) Dr. Zipporah Ngumi, ang chairwoman sa Organizing Committee
- 4) Ang presidente sa WCDN, Dr. Gilbert Chae
- 5) Pasundayag sa Crystal Singers



Tel: 82-2-824-7107

www.gcnetv.org

e-mail: webmaster@gcnetv.org



MIS
Manmin International Seminary

Tel: 82-2-818-7334

www.manminseminary.org

e-mail: manminseminary2004@gmail.com



World Christian Doctors Network

Tel: 82-2-818-7039

www.wcdn.org

e-mail: wcdnkorea@gmail.com



Tel: 82-70-8240-2075

urimbooks.com

e-mail: urimbook@hotmail.com